



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ  
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ ՌԵԳԻՍՏՐԻ  
ԳՈՐԾԱԿԱԼՈՒԹՅԱՆ ՊԵՏ

0051 ք. Երևան, Նամյուսա 49/3  
(+374 10) 201461

«ԷԿՈՖՐՈՒՏ» ՍՊԸ 290.110.1297585

«ՀԱՅԿԱԿԱՆ ՄԱՆՐԱՆԿԱՐԶՈՒԹՅԱՆ ԱԶԳԱՅԻՆ ԿԵՆՏՐՈՆ» ՀՄԴ  
222.160.818392

«ԲՄ ՄՈԹՈՐՍ» ՍՊԸ 286.110.1271134

«ԳԼՈԲԱՔՍ ՔՆԵՔԹՐՍ» ՍՊԸ 271.110.1297155

**Որոշում**

**Վարչական տույժ նշանակելու վերաբերյալ**

19.04.2024թ.

ք. Երևան

ՀՀ արդարադատության նախարարության իրավաբանական անձանց պետական ռեգիստրի գործակալության պետի պարտականությունները կարատարող Լալա Ներսեսյանն՝ ուսումնասիրելով Ձեր Ընկերություն նկատմամբ հարուցված վարչական վարույթի նյութերը՝

**Պարզեցի**

Ձեր Ընկերության գործադիր մարմնի ղեկավարի կողմից ՀՀ վարչական իրավախախտումների վերաբերյալ օրենսգրքի 169.29-րդ հոդվածի 1-ին մասով նախատեսված իրավախախտում թույլ տալու դեպքի առթիվ հարուցվել է վարույթ, և Ընկերության գործադիր մարմնի ղեկավարին է ուղարկվել վարչական իրավախախտման արձանագրության կազմմանը, նյութերի նախապատրաստմանը, ինչպես նաև վարչական իրավախախտման գործի քննությանը մասնակցելու

վերաբերյալ ծանուցում, որն առաքվել է իրավաբանական անձանց պետական միասնական գրանցամատյանում առկա Ընկերության էլեկտրոնային փոստի հասցեին:

Արձանագրությունը կազմելու վայրի և ժամանակի, ինչպես նաև վարչական իրավախախտման գործի քննության վայրի և ժամանակի մասին պատշաճ ծանուցված լինելով, վարչական պատասխանատվության ենթարկվող անձը չի ներկայացել արձանագրության կազմմանը, հետևաբար արձանագրությունը կազմվել է վերջինիս բացակայությամբ:

Իրավաբանական անձանց պետական միասնական գրանցամատյանում առկա տեղեկությունների ուսումնասիրության արդյունքում պարզվել է, որ Ընկերությունը չի կատարել «Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» Հայաստանի Հանրապետության օրենքի (այսուհետ՝ Օրենք) 60.3 հոդվածի 5-րդ մասով սահմանված՝ իրական շահառուների վերաբերյալ հայտարարագիր ներկայացնելու պարտականությունը:

Ընկերության գործադիր մարմնի ղեկավարի կողմից վերը նկարագրված արարքի կատարման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169.29-րդ հոդվածի 1-ին մասով, որի համաձայն՝ Օրենքով սահմանված՝ իրական շահառուների վերաբերյալ հայտարարագիր ներկայացնելու պարտականություն ունեցող անձի կողմից օրենքում սահմանված ժամկետում իրական շահառուների վերաբերյալ տեղեկություններ չներկայացնելը առաջացնում է նախազգուշացում կամ տուգանքի նշանակում՝ սահմանված նվազագույն աշխատավարձի երեսնապատիկից հարյուրապատիկի չափով:

Հիմք ընդունելով վերոշարադրյալ իրավանորմերը, դրանք համադրելով վարչական գործի փաստական հանգամանքների հետ՝ վարույթն իրականացնող մարմինը հարկ է համարում նշել, որ՝

Ընկերությունը պարտավոր էր իրական շահառուների վերաբերյալ հայտարարագիրը Գործակալություն ներկայացնել մինչև 2024 թվականի փետրվարի 20-ը:

Ընկերությունը օրենքով սահմանված ժամկետում չի ներկայացրել իրական շահառուների վերաբերյալ հայտարարագիր:

Հիմք ընդունելով վերոգրյալը և ղեկավարվելով Վարչական իրավախախտումների վերաբերյալ ՀՀ օրենսգրքի 169.29-րդ հոդվածի 1-ին մասով, 223.1-րդ հոդվածով, 281-րդ հոդվածով, 282-րդ հոդվածի 1-ին մասի 1-ին կետով՝

## ՈՐՈՇԵՑԻ

Վարչական իրավախախտումների վերաբերյալ ՀՀ օրենսգրքի 169.29-րդ հոդվածի 1-ին մասի համաձայն՝ Ձեր Ընկերության գործադիր մարմնի ղեկավարի նկատմամբ կիրառել վարչական տույժ՝ նշանակելով **նախազգուշացում**:

Սույն որոշումն ուժի մեջ է մտնում հասցեատիրոջը հանձնելու հաջորդող օրվանից և ուժի մեջ մտնելուց հետո՝ երկամսյա ժամկետում ենթակա է բողոքարկման վարչական կամ դատական կարգով:

ՀԱՐԳԱՆՔՈՎ՝

ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ



ԼԱԼԱ ՆԵՐՍԵՍՅԱՆ